



МОНГОЛ УЛСЫН
АЖ ҮЙЛДВӨРИЙН САЙДЫН
ТУШААЛ

2015 оны 03 сарын 25 одор

Дугаар 62

Ч.Овчинбаяр

Журам батлах тухай

Чөлөөт бүсийн тухай хуулийн 7 дугаар зүйлийн 7.1.9 дэх заалтыг үндэслэн
ТУШААХ нь:

Нэг. "Чөлөөт бүсэд согтууруулах ундаа худалдах, түүгээр үйлчлэх тусгай зөвшөөрөл олгох журам"-ыг нэгдүгээр хавсралтаар, "Чөлөөт бүсэд тамхи худалдах үйл ажиллагаа эрхлэх тусгай зөвшөөрөл олгох журам"-ыг хоёрдугаар хавсралтаар, "Чөлөөт бүсэд эрүүл мэндийн мэргэжлийн үйл ажиллагаа явуулах тусгай зөвшөөрөл олгох журам"-ыг туривдугаар хавсралтаар тус тус баталсугай.

Хоёр. Журмыг хэрэгжүүлж ажиллахыг чөлөөт бүсийн Захирагч наарт үүрэг болгосугай.

Гурав. Энэхүү тушаалын хэрэгжилтэд хяналт тавьж ажиллахыг Төрийн нарийн бичгийн дарга /Д.Нямхүү/-д даалгасугай.

Д.ЭРДЭНЭБАТ

Аж үйлдвэрийн сайдын 2015 оны
3 дугаар сарын 24-ний өдрийн
62 дугаар тушаалын 1-р хавсралт

ЧӨЛӨӨТ БҮСЭД СОГТУУРУУЛАХ УНДАА ХУДАЛДАХ, ТҮҮГЭЭР ҮЙЛЧЛЭХ ТУСГАЙ ЗӨВШӨӨРӨЛ ОЛГОХ ЖУРАМ

Нэг. Нийтлэг үндэслэл

1.1. Энэхүү журмын зорилго нь чөлөөт бүсэд согтууруулах ундаа худалдах, түүгээр үйлчлэх тусгай зөвшөөрөл олгохтой холбоотой нарийвчилсан журмыг тогтооход оршино.

1.2. Чөлөөт бүсэд согтууруулах ундаа худалдах, түүгээр үйлчлэх тусгай зөвшөөрөл олгоход Аж ахуйн үйл ажиллагааны тусгай зөвшөөрлийн тухай хууль, Чөлөөт бүсийн тухай хууль, Хүнсний тухай, Хүнсний бүтээгдэхүүний аюулгүй байдлыг хангах тухай хууль, Архидан согтуурахтай тэмцэх тухай хууль, Захиргааны хариуцлагын тухай хууль, Улсын тэмдэгтийн хураамжийн тухай болон бусад хууль тогтоомжийг удирдлага болгоно.

Хоёр. Тусгай зөвшөөрөлд тавигдах шаардлага

2.1. Согтууруулах ундаа худалдах, түүгээр үйлчлэх тусгай зөвшөөрлийг /цаашид тусгай зөвшөөрөл гэх/ энэхүү журмаар тогтоосон шаардлага, мэргэжлийн хяналтын байгууллагын санал, дүгнэлтийг үндэслэн чөлөөт бүсийн Захиргачийн захирамжаар олгоно.

2.3. Согтууруулах ундаа худалдах, түүгээр үйлчлэх тусгай зөвшөөрөлтэй газар нь худалдаа, үйлчилгээний технологи, ариун цэвэр, эрүүл ахуй, стандартын шаардлага хангасан байх бөгөөд хэрэглэгчдийн эрх ашгийг дээдэлсэн соёлтой үйлчилгээг үзүүлнэ.

2.4. Тусгай зөвшөөрөл хүсэгч нь дараах шаардлагыг хангасан байна:

2.4.1. Чөлөөт бүсэд бүртгэлтэй хуулийн этгээд байх;

2.4.2. Хүнсний чиглэлийн үйл ажиллагаа эрхлэгчийн мэдээллийн бүртгэлд бүртгүүлсэн байх;

2.4.3. Худалдаа, үйлчилгээний газарт эрүүл ахуйн зохистой дадал, дотоод хяналтыг нэвтрүүлж хэвшсэн байх;

2.4.4. Худалдааны газар нь "Худалдааны газар, түүний үйлчилгээ. Ерөнхий шаардлага MNS 5021:2007", зоогийн газар, баар, кафе нь "Хоолны газрын ангилал. Зэрэглэл. Үндсэн шаардлага MNS 4946:2005" стандартад заасан шалгуур үзүүлэлтийг хангасан байх;

2.4.5. Худалдааны цэгт худалдагч, үйлчилгээний цэгт холбогдох мэргэжлийн ажилчдыг орон тоогоор ажиллуулж, нийгмийн даатгалын шимтгэлийг хариуцан төлдөг байх;

2.4.6.үйл ажиллагаагаа тогтвортой явуулж татвар, санхүүгийн тайлангаа цаг хугацаанд нь гаргаж хэвшсэн байх;

2.4.7.Худалдаа, үйлчилгээний газар нь гадна талбайгаа тохижуулж, гэрэлтүүлэг, камер байрлуулсан байх;

2.4.8.сүүлийн 1 жилийн дотор хууль тогтоомж болон тусгай зөвшөөрөлд заагдсан шаардлагыг зөрчсөн үйл ажиллагааг явуулаагүй байх

2.5.Тусгай зөвшөөрөл хүсэгч нь дараах бичиг баримтыг бүрдүүлэн чөлөөт бүсийн Захирагчийн ажлын албанд ирүүлнэ:

2.5.1.Өргөдөл /эрхлэх үйл ажиллагааны чиглэл, ажилласан хугацаа зэргийг тодорхой дурдах/;

2.5.2.Хуулийн этгээдийн улсын бүртгэлийн гэрчилгээний хуулбар;

2.5.3.Согтууруулах ундааны нэр төрөл, гарал үүслийг харуулсан мэдээлэл;

2.5.4.Худалдаа, үйлчилгээний газрын гадна, дотно тохижилт, аюулгүй байдлыг хангасныг харуулсан фото зураг;

2.5.5.Улсын тэмдэгтийн хураамж төлсөн баримт.

Гурав. Тусгай зөвшөөрөл олгох

3.2.Захирагчийн ажлын алба нь тусгай зөвшөөрөл хүсэгчийн өргөдөл, бусад бичиг баримтыг хүлээн авснаас хойш 14 хоногийн дотор холбогдох байгууллагуудаар нягтлан шалгуулах, магадлан шинжилгээ хийлгэх дараах ажлыг хариуцан гүйцэтгэнэ:

3.2.1.тусгай зөвшөөрөл хүсэгч нь энэ журмын 2.4.2, 2.4.3-д заасан шаардлагыг хангаж байгаа эсэх талаар мэргэжлийн хяналтын улсын байцаагчийн санал, дүгнэлт гаргуулах;

3.2.2.тусгай зөвшөөрөл хүсэгч нь энэ журмын 2.4.5-д заасан шаардлагыг хангаж байгаа эсэх талаар татварын байгууллагын тодорхойлолт гаргуулах;

3.2.3.тусгай зөвшөөрөл хүсэгч нь энэ журмын 2.4.7-д заасан шаардлагыг хангаж байгаа эсэх талаар цагдаагийн байгууллагын тодорхойлолт гаргуулах;

3.2.4.тусгай зөвшөөрөл хүсэгч нь хуульд заасан бусад шаардлагыг хангаж байгааг эсэхийг магадлах үйл ажиллагаа.

3.3.Захирагчийн ажлын алба нь тусгай зөвшөөрөл олгох эсэх асуудлаар гаргасан санал, дүгнэлтээ чөлөөт бүсийн Захирагчид танилцуулна:

3.4.Чөлөөт бүсийн Захирагч нь энэ журмын 3.2-т заасан хугацааны дотор дараах шийдвэрийн аль нэгийг бичгээр гаргана:

3.4.1. Тусгай зөвшөөрөл олгох тухай захирамж гаргах;

3.4.2. Тусгай зөвшөөрөл олгохоос татгалзаж, өргөдлийг буцаах.

3.5. Тусгай зөвшөөрөл олгохоос татгалзсан бол татгалзсан үндэслэлийг заасан байна.

3.6. Захирагчийн ажлын алба нь тусгай зөвшөөрөл олгох шийдвэр гаргуулах, шийдвэрийг үндэслэн гэрчилгээ олгох ажлыг энэ журмын 3.2-т заасан хугацаанд хариуцан гүйцэтгэнэ.

3.7. Тусгай зөвшөөрлийг 2 жилийн хугацаатай олгоно. Хугацааг сунгах тохиолдолд анх олгосон хугацаагаар сунгана.

3.8. Тусгай зөвшөөрөл олгох шийдвэрт худалдаа, үйлчилгээний газрын ажиллах цагийн хуваарь, гэрчилгээнд согтууруулах ундааны төрлийг заасан байна.

**Дөрөв. Тусгай зөвшөөрлийн хугацаа сунгах,
хүчингүй болгох**

4.1. Аж ахуйн нэгж нь тусгай зөвшөөрлийн хугацаа дуусах өдрөөс 14 хоногийн өмнө хугацаа сунгуулах тухай хүсэлтээ энэхүү журамд заасан тусгай зөвшөөрлийн шаардлагыг биелүүлж ажилласан тухай тайлангийн хамт тухайн чөлөөт бүсийн Захирагчийн ажлын албанд ирүүлнэ.

4.2. Захирагчийн ажлын алба нь тусгай зөвшөөрөлд тавигдах шаардлагыг хэрхэн биелүүлж ажилласан талаар дүгнэж, шаардлагатай тохиолдолд холбогдох байгууллагаас дүгнэлт гаргуулсны үндсэн дээр тусгай зөвшөөрлийн хугацааг сунгуулах талаарх хүсэлтийг чөлөөт бүсийн Захирагчид танилцуулна.

4.3. Чөлөөт бүсийн Захирагч нь энэ журмын 4.1-т заасан хугацааны дотор тусгай зөвшөөрлийг сунгах эсэх асуудлыг шийдвэрлэнэ.

4.4. Тусгай зөвшөөрлийг хуульд заасан үндэслэлээр чөлөөт бүсийн Захирагч хүчингүй болгоно.

4.5. Тусгай зөвшөөрөл олгосноос өөр газарт худалдаа, үйлчилгээ эрхэлсэн, тусгай зөвшөөрөл олгосноос хойш үйл ажиллагаа явуулаагүй 1 жил өнгөрсөнийг тусгай зөвшөөрлийн шаардлагыг ноцтой зөрчсөн гэж үзнэ.

4.5. Тусгай зөвшөөрлийг хүчингүй болгох саналыг энэ журмын хэрэгжилтэд хяналт тавьж ажиллах эрх бүхий байгууллага, албан тушаалтны аль нь ч гаргаж болно.

4.7. Тусгай зөвшөөрлийн нөхцөл шаардлагыг зөрчиж, энэ журмаар хориглосон үйл ажиллагаа явуулсан нь тусгай зөвшөөрлийг сунгах, дахин олгохгүй байх үндэслэл болно.

4.8.Тусгай зөвшөөрлийг хүчингүй болгосон бол иргэн, хуулийн этгээд нь хуульд заасан үндэслэл, журмын дагуу гомдлоо чөлөөт бүсийн асуудал эрхэлсэн төрийн захиргааны төв байгууллагад гаргана.

Тав. Журмын хэрэгжилтэнд хяналт тавих

5.1.Энэ журмын хэрэгжилтэд Захирагчийн ажлын алба, цагдаагийн байгууллага хяналт тавьж ажиллах ба холбогдох хууль тогтоомж, энэ журмаар тавигдсан шаардлагыг зөрчсөн талаарх мэдээллийг тухай бүр, журмын хэрэгжилтийн талаарх мэдээг хагас, бүтэн жилээр гаргаж чөлөөт бүсийн Захирагчид танилцуулна.

5.2.Энэ журмын 5.1-т заасан байгууллага, эрх бүхий албан тушаалтан журмын хэрэгжилтэд хяналт тавьж ажиллахдаа дангаар болон хяналтын комисстoy хамтран хяналт шалгалтыг хийж болно.

5.3.Тусгай зөвшөөрөл эзэмшигч нь зөвшөөрөлтэй холбоотой гарсан зөрчлөөс үүссэн хохирлыг бүрэн хариуцна.

5.4.Энэ журмыг зөрчсөн гэм буруутай этгээдэд холбогдох хууль тогтоомжид заасан хариуцлага ногдуулна.

---00---

**ЧӨЛӨӨТ БҮСЭД ЭРҮҮЛ МЭНДИЙН МЭРГЭЖЛИЙН ҮЙЛ АЖИЛЛАГАА
ЯВУУЛАХ ТУСГАЙ ЗӨВШӨӨРӨЛ ОЛГОХ ЖУРАМ**

Нэг. Нийтлэг үндэслэл

1.1. Чөлөөт бүсэд эрүүл мэндийн мэргэжлийн үйл ажиллагаа эрхлэх тусгай зөвшөөрөл олгохтой холбоотой нарийвчилсан журмыг тогтооход оршино.

1.2. Чөлөөт бүсэд эрүүл мэндийн мэргэжлийн үйл ажиллагаа эрхлэх тусгай зөвшөөрөл олгоход Аж ахуйн үйл ажиллагааны тусгай зөвшөөрлийн тухай хууль, Эрүүл мэндийн тухай хууль, Чөлөөт бүсийн тухай хууль, Улсын тэмдэгтийн хураамжийн тухай болон бусад хууль тогтоомжийг удирдлага болгоно.

Хоёр. Тусгай зөвшөөрөлд тавигдах шаардлага

2.1. Чөлөөт бүсэд эрүүл мэндийн мэргэжлийн үйл ажиллагаа эрхлэх тусгай зөвшөөрлийг /цаашид "тусгай зөвшөөрөл" гэх/ энэхүү журмаар тогтоосон шаардлага, холбогдох бичиг баримтыг үндэслэн чөлөөт бүсийн Захирагчийн захирамжаар олгоно.

2.2. Дараах хуулийн этгээдээс чөлөөт бүсэд эрүүл мэндийн мэргэжлийн үйл ажиллагаа эрхлэх тусгай зөвшөөрөлтэй хуулийн этгээд:

2.2.1. Монгол Улсад эрүүл мэндийн үйл ажиллагаа эрхлэх тусгай зөвшөөрөлтэй хуулийн этгээд;

2.2.2. Гадаад улсад эрүүл мэндийн үйл ажиллагаа эрхлэх тусгай зөвшөөрөлтэй хуулийн этгээд.

2.3. Чөлөөт бүсэд эрүүл мэндийн мэргэжлийн үйл ажиллагаа эрхлэх хуулийн этгээд дараах шаардлагыг хангаж ажиллана:

2.3.1. Ажлын байр нь үйл ажиллагаа явуулах чиглэлийн стандартуудын шаардлагыг хангасан Эрүүл мэндийн тусламж, үйлчилгээ эрхлэх зориулалтын байх,

2.3.2. Тусгай зөвшөөрөл авсан ажлын байрандаа тогтвортой үйл ажиллагаа явуулах;

2.3.3. Хүний нөөцийн хувьд стандартын дагуу их эмч, сувилагч, эм зүйч, эмнэлгийн тусгай мэргэжилтнүүдээр бүрэн хангагдсан, эмчлэх, эм барих, сувилах, эх барих эрхийн зөвшөөрөлтэй байх;

2.3.4. Тусгай зөвшөөрөл эзэмшигч их эмч, эм зүйч нь тухайн мэргэжлээр тасралтгүй 5 жил ажилласан байх;

2.3.5. Эмчилгээ үйлчилгээнд ашиглах багаж тоног төхөөрөмж нь орчин үеийн технологийн дэвшлийг агуулсан, хүчин чадал бүхий байх.

2.4. Чөлөөт бүсэд эрүүл мэндийн тусгай зөвшөөрөл авахад Аж ахуйн үйл ажиллагааны тусгай зөвшөөрлийн тухай хуулийн 11.1-д зааснаас гадна дараах баримт бичгийг бүрдүүлнэ:

2.4.1. үүсгэн байгуулагчийн шийдвэр;

2.4.2. эрүүл мэндийн байгууллагын дүрэм, үзүүлэх тусlamж, үйлчилгээний төрөл, хүчин чадал, тооцоо;

2.4.3. эмнэлгийн мэргэжилтний бүрэлдэхүүн;

2.4.4. эмнэлгийн барилга байгууламж нь үзүүлэх тусlamж, үйлчилгээний төрөл, хүчин чадалд тохирсон болон эрүүл ахуйн шаардлага хангасан тухай холбогдох байгууллагын дүгнэлт;

2.4.5. эмнэлгийн багаж, тоног төхөөрөмж нь аюулгүй ажиллагааны шаардлагыг хангасан тухай холбогдох байгууллагын дүгнэлт;

2.4.6. эрүүл мэндийн байгууллага байгуулах үндэслэл, санхүүгийн тооцоо.

2.5. Энэ журмын 2.4.2-2.4.6-д заасан баримт бичигт тавих шаардлага, шалгуур үзүүлэлтийг Эрүүл мэндийн сайдын 2013 оны 145 тоот тушаалын дагуу шаардана.

Гурав. Тусгай зөвшөөрөл олгох шийдвэр

3.1. Эрүүл мэндийн байгууллагад тусгай зөвшөөрөл олгох асуудлыг дараах журмаар шийдвэрлэнэ:

3.1.1. үүсгэн байгуулагч нь энэ журмын 2.4-т заасан баримт бичгийг өргөдлийн хамт чөлөөт бүсийн Захирагчийн ажлын албанд ирүүлэх;

3.1.2. чөлөөт бүсийн Захирагчийн захирамжаар томилогдсон комисс үүсгэн байгуулагчийн өргөдөл, холбогдох баримт бичгийг хүлээн авсан өдрөөс хойш 21 хоногийн дотор тусгай зөвшөөрөл олгох эсэхийг шийдвэрлэнэ.

Дөрөв. Мэргэжлийн үйл ажиллагааг явуулах тусгай зөвшөөрлийг сунгах, түдгэлзүүлэх, сэргээх, хүчингүй болгох

4.1. Тусгай зөвшөөрлийн хугацааг доорх байдлаар сунгана:

4.1.1. Мэргэжлийн үйл ажиллагаа явуулах тусгай зөвшөөрлийг 3 хүртэл жилийн хугацаатай олгож, баталгаажуулна;

4.1.2. Мэргэжлийн үйл ажиллагааны үр дүнг харгалзан зөвхөн зөвшөөрөл эзэмшигчийн хүсэлтээр анх олгосон хугацаанаас багагүй хугацаагаар сунгана;

4.1.3. Зөвшөөрлийн гэрчилгээний сунгалт хийлгэлгүй ажилласан тохиолдолд "Эрүүл мэндийн тухай" хуулийн 19.8, 19.11.1 дэхь, "Аж ахуйн үйл ажиллагааны тусгай зөвшөөрлийн тухай" хуулийн 6.4 дэхь заалтуудыг зөрчсөн гэж үзэж хуулийн дагуу тусгай зөвшөөрлийг хүчингүй болгоно.

4.2. Тусгай зөвшөөрлийг дараах тохиолдолд түтгэлзүүлнэ:

4.2.1. Аж ахуйн үйл ажиллагааны тусгай зөвшөөрлийн тухай хуулийн 13 дугаар зүйлд зааснаас гадна эрүүл мэндийн тухай хуулийн 18 дугаар зүйлд заасан үүргээ биелүүлээгүй тохиолдолд тусгай зөвшөөрлийг 3 сар хүртэл хугацаагаар түдгэлзүүлж болно.

4.3. Тусгай зөвшөөрлийг түдгэлзүүлсэн нөхцөл арилсан тохиолдолд тусгай зөвшөөрлийг сэргээнэ.

4.4. Тусгай зөвшөөрлийг хуульд заасан үндэслэлээр чөлөөт бүсийн Захирагч хүчингүй болгоно.

4.5. Дараах тохиолдлыг тусгай зөвшөөрлийн шаардлагыг зөрчсөн гэж үзнэ:

4.5.1. Мэргэжлийн хяналтын байгууллагын дүгнэлтээр үйл ажиллагааг зогсоосон улсын байцаагчийн акт гарсан;

4.5.2. Тусгай зөвшөөрөл авсанаас хойш 6 сарын хугацаанд үйл ажиллагаа явуулаагүй;

4.5.3. Мэргэжлийн аттестатчилалын шалгалтад хангалтгүй дүн үзүүлсэн.

Тав. Журам зөрчигчдөд хүлээлгэх хариуцлага

5.1. Энэ журам болон тусгай зөвшөөрөл олгох тухай холбогдох хууль тогтоомж зөрчсөн гэм буруутай этгээдэд Аж ахуйн үйл ажиллагааны тусгай зөвшөөрлийн тухай хуулийн 18 дугаар зүйлд заасан хариуцлага хүлээлгэнэ.

Аж уйлдвэрийн сайдын 2015 оны
3 дугаар сарын 24-ний өдрийн
6 дугаар тушаалын 2-р хавсралт

**ЧӨЛӨӨТ БҮСЭД ТАМХИ ХУДАЛДАХ ҮЙЛ АЖИЛЛАГАА ЭРХЛЭХ
ТУСГАЙ ЗӨВШӨӨРӨЛ ОЛГОХ ЖУРАМ**

Нэг. Нийтлэг үндэслэл

1.1. Чөлөөт бүсийн нутаг дэвсгэрт тамхи болон тамхи орлуулагч (цаашид "тамхи" гэх) бүтээгдэхүүн худалдах үйл ажиллагаа эрхлэх тусгай зөвшөөрөл олгохтой холбогдсон нарийвчилсан журмыг тогтооход оршино.

1.2. Чөлөөт бүсийн нутаг дэвсгэрт тамхи худалдах үйл ажиллагаа эрхлэх тусгай зөвшөөрөл олгоход Тамхины хяналтын тухай хууль, Аж ахуйн үйл ажиллагааны тусгай зөвшөөрлийн тухай хууль, Захиргааны хариуцлагын тухай хууль, Чөлөөт бүсийн тухай хууль, Улсын тэмдэгтийн хураамжийн тухай болон бусад хууль тогтоомжийг удирдлага болгоно.

Хоёр. Тусгай зөвшөөрөлд тавигдах шаардлага

2.1. Чөлөөт бүсэд тамхи худалдах үйл ажиллагаа эрхлэх тусгай зөвшөөрлийг /цаашид "тусгай зөвшөөрөл" гэх/ энэхүү журмаар тогтоосон шаардлага, холбогдох бичиг баримтыг үндэслэн чөлөөт бүсийн Захирагчийн захирамжаар олгоно.

2.2. Тусгай зөвшөөрөл хүсэгч нь дараах шаардлагыг хангасан байна:

2.2.1. Чөлөөт бүсэд бүртгэлтэй хуулийн этгээд байх;

2.2.2. тамхин бүтээгдэхүүнд мэргэжлийн хяналтын улсын байцаагчийн зорүүл мэндийн дүгнэлт гаргуулсан байх;

2.2.3. Худалдааны газар, түүний үйлчилгээ. Ерөнхий шаардлага MNS 5021:2007 стандартад заасан шаардлагыг хангасан тухай мэргэжлийн хяналтын асуудал хариуцсан төрийн захиргааны байгууллагын дүгнэлттэй байх.

2.2.4. хуульд заасан бусад шаардлага

2.3. Тамхины худалдаа, үйлчилгээ эрхэлж байгаа иргэн, хуулийн этгээд чөлөөт бүсэд дараах худалдаа, үйлчилгээ явуулахыг хориглоно:

2.3.2. зөвшөөрөгдсөн цэгээс бусад газарт тамхины худалдаа, үйлчилгээ эрхлэх;

2.3.3. тамхийг ширхэгээр, гудамж талбайд, гар дээрээс болон дуудлагаар хүргэх үйлчилгээгээр худалдах;

2.3.4. тамхины бөөний худалдааны цэгт тамхийг жижиглэнгээр худалдаалах.

2.4. Энэ журмын 2.2-т заасан шаардлагыг хангасан хуулийн этгээд нь дараах бичиг баримтыг бүрдүүлнэ:

2.4.1. Өргөдөл /эрхлэх үйл ажиллагааны чиглэл, ажилласан хугацаа зэргийг тодорхой дурдах/;

2.4.2. Чөлөөт бүсийн бүртгэлийн гэрчилгээний хуулбар;

2.4.3. Худалдаа, үйлчилгээний цэгийн гадна, дотно тохижилтыг харуулсан фото зураг;

2.4.4. мэргэжлийн хяналтын газрын улсын байцаагчийн дүгнэлт /Худалдаа, үйлчилгээний газрын стандарт хангалтын талаар/;

2.4.5. Улсын тэмдэгтийн хураамж төлсөн баримт.

Гурав. Тусгай зөвшөөрөл олгох шийдвэр

3.1. Тусгай зөвшөөрөл хүсэгч нь энэ журмын 2.2-т заасан шаардлагыг хангасан гэж үзвэл 2.4-т заасан бичиг баримтыг бүрдүүлэн чөлөөт бүсийн Захирагчийн ажлын албанд ирүүлнэ.

3.2. Захирагчийн ажлын алба нь материалыг хүлээн авснаас хойш 14 хоногийн дотор хянан үзэж Захирагчийн ажлын албатай байгуулсан хөрөнгө оруулалтын гэрээнд заасан үйл ажиллагааны чиглэл, худалдаа үйлчилгээний цэгийн байршил зэргийг харгалзан тусгай зөвшөөрөл хүсэгчийн материалыг Захирагчийн ажлын албаны дэмжсэн саналын хамт чөлөөт бүсийн Захирагчид танилцуулна.

3.3. Чөлөөт бүсийн Захирагч нь энэ журмын 3.2-т заасан хугацааны дотор дараах шийдвэрийн аль нэгийг бичгээр гаргана:

3.3.1. Тусгай зөвшөөрөл олгох тухай захирамж гаргах;

3.3.2. Тусгай зөвшөөрөл олгохоос татгалзаж, өргөдлийг буцаах.

3.4. Тусгай зөвшөөрөл олгохоос татгалзсан бол татгалзсан үндэслэлийг заасан байна.

3.5. Тусгай зөвшөөрлийг 2 жилийн хугацаатай олгоно. Хугацааг сунгах тохиолдолд анх олгосон хугацаагаар сунгана.

3.6. Тусгай зөвшөөрөл олгох шийдвэрт худалдаа, үйлчилгээний газрын ажиллах цагийн хуваарийг заасан байна.

**Дөрөв. Тусгай зөвшөөрлийн хугацаа сунгах,
хүчингүй болгох**

4.1.Аж ахуйн нэгж нь тусгай зөвшөөрлийн хугацаа дуусах өдрөөс 14 хоногийн өмнө хугацаа сунгуулах тухай хүсэлтээ энэхүү журамд заасан тусгай зөвшөөрлийн шаардлагыг биелүүлж ажилласан тухай тайлангийн хамт тухайн чөлөөт бүсийн Захирагчийн ажлын албанд ирүүлнэ.

4.2.Захирагчийн ажлын алба нь тусгай зөвшөөрөлд тавигдах шаардлагыг хэрхэн биелүүлж ажилласан талаар дүгнэж, шаардлагатай тохиолдолд холбогдох байгууллагаас дүгнэлт гаргуулсны үндсэн дээр тусгай зөвшөөрлийн хугацааг сунгуулах талаарх хүсэлтийг чөлөөт бүсийн Захирагчид танилцуулна.

4.3.Чөлөөт бүсийн Захирагч нь энэ журмын 4.1-т заасан хугацааны дотор тусгай зөвшөөрлийг сунгах эсэх асуудлаар шийдвэр гаргана.

4.4.Тусгай зөвшөөрлийг хуульд заасан үндэслэлээр чөлөөт бүсийн Захирагч хүчингүй болгоно.

4.5.Тусгай зөвшөөрөл олгосноос өөр газарт худалдаа, үйлчилгээ эрхэлсэн, тусгай зөвшөөрөл олгосноос хойш үйл ажиллагаа явуулаагүй 1 жил өнгөрсөнийг тусгай зөвшөөрлийн шаардлагыг ноцтой зөрчсөн гэж үзнэ.

4.5.Тусгай зөвшөөрлийг хүчингүй болгох саналыг энэ журмын хэрэгжилтэд хяналт тавьж ажиллах эрх бүхий байгууллага, албан тушаалтны аль нь ч гаргаж болно.

4.7.Тусгай зөвшөөрлийн нөхцөл шаардлагыг зөрчиж, энэ журмаар хориглосон үйл ажиллагаа явуулсан нь тусгай зөвшөөрлийг сунгах, дахин олгохгүй байх үндэслэл болно.

4.8.Тусгай зөвшөөрлийг хүчингүй болгосон бол иргэн, хуулийн этгээд нь хуульд заасан үндэслэл, журмын дагуу гомдлоо чөлөөт бүсийн асуудал эрхэлсэн төрийн захирагааны төв байгууллагад гаргана.

Тав. Журмын хэрэгжилтэд хяналт тавих

5.1.Энэ журмын хэрэгжилтэд Захирагчийн ажлын алба, Цагдаагийн алба хяналт тавьж ажиллах ба холбогдох хууль тогтоомж, энэ журмаар тавигдсан шаардлагыг зөрчсөн мэдээллийг тухай бүр, журмын хэрэгжилтийн талаар мэдээг хагас, бүтэн жилээр гаргаж чөлөөт бүсийн Захирагчид танилцуулна.

5.2.Энэ журмын 5.1-т заасан байгууллага, эрх бүхий албан тушаалтан журмын хэрэгжилтэд хяналт тавьж ажиллахдаа дангаар болон хяналтын комисстийн хамтран хяналт шалгалтыг хийж болно.

5.3.Тусгай зөвшөөрөл эзэмшигч нь зөвшөөрөлтэй холбоотой гарсан зөрчлийг бүрэн хариуцна.

5.4. Энэ журмыг зөрчсөн гэм буруутай этгээдэд холбогдох хууль тогтоомжид заасан хариуцлага ногдуулна.